

Vuk'uzenzele



Produced by Government Communications (GCIS)

English/Setswana

| Moranang 2019 Kgatiso 2

Steps to curb women abuse



Building a better SA with social partners

Page 4



President Cyril Ramaphosa officially opened the Booyens Magistrate's Court and signed the GBVF Declaration. This has been hailed as a step in the right direction in ending women and child abuse in South Africa.

President Cyril Ramaphosa has reiterated that women abuse has no place in South Africa. "It should also have no place in our homes, at places of work, churches, schools and on the streets of our townships, on the

pathways of our villages and also in our cities and towns," President Ramaphosa said. He was speaking at the official opening of Booyens Magistrate's Court and the signing of the Gender-Based Violence and Femicide (GBVF) Dec-

laration in Johannesburg recently. The state-of-the-art Booyens Magistrate's Court comprises 10 courts, including four district courts, Civil Court, Family Court, Children's Court, Small Claims Court, as well as two regional courts for criminal

and sexual offences. The declaration, on the other hand, is borne out of the National GBV and Femicide Summit, held in November 2018, in an effort to find solutions to GBV and femicide.

Cont. page 2



Young mother leads autism awareness drive

Page 5



ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za

www.vukuzenzele.gov.za

Email: vukuzenzele@gcis.gov.za

Tel: 012 473 0353

FREE COPY

Did you know? THE 2019 ELECTIONS WILL BE HELD ON 8 MAY 2019

Go tlhaloganya bolwetse jwa othisime

Mo batsading ba bana ba ba nang le bolwetse jwa othisime, se se tlhola gore ba nne le ketsaetsego, ba fele pelo le go bona e le matlhabasadi-tlhong. Batsadi ba le bantsi ga ba itse go le kalo ka bolwetse jono kgotsa seo ba ka se dirang go thusa bana ba bona go ka tshela botshelo jwa bona fela jaaka ba bangwe.

Othisime ke eng?

Othisime ke bolwetse jwa dine-rese jo bo aparelang ngwana e le gona a belegwa mme bo simolola go iponagatsa mo dingwageng tsa ntlha tsa botshelo jwa ngwana.

Ngaka ya bolwetse jwa tlhaloganyo kwa Sepetleleng sa Thuto ya Bongaka sa Steve Biko, Julia Mathabathe, o tlhalosa gore bana ba ba nang le bolwetse jwa othisime ba bona lefatshe ka tsela e e farologaneng le eo batho ba bangwe ba le bonang ka yona.

"Ba na le matsapa a go buisana



le go ikamanya le batho ba bangwe. Ba na gape le matshwao a dirwe tsa kutlo a a farologaneng le a batho ba bangwe; ba ka nkgelele, ba bona kgotsa ba utlwa sengwe ka tsela e e farologaneng le ya batho ba bangwe.

Ka dinako tse dingwe ba ka go melela meno, ba tsosa meruso le go ikentsha kotsi," go bua Mathabathe.

Batsadi ba ka bona go le bokete tota go mekamekana le maitsholo ano, bogolosegolo fa seno se

diragala fa pele ga batho.

Batsadi ba ka thusa jang bana ba ba nang le bolwetse jwa othisime?

Mathabathe a re matsapa a matona a a tshwanetseng go tsewa mo go okeng bolwetse jwa othisime ke go thusa batsadi go tlhaloganya ka fao bana ba bona ba bonang lefatshe ka teng.

Batsadi ba tshwanetse go leka ka natla go ipaya mo maemong ao bana ba bona ba leng mo go

ona. Ba tshwanetse go bona ditse-tse di maleba tsa go buisana le bona, e ka nna ka molomo kgotsa ka thuso ya didiriswa gape ba tlhaloganye matshwao ao bana ba bona ba a tlhagisang. Go naya motlhala, fa ngwana a ne a tsositse meruso, o tshwanetse go itse gore e tlhodilwe ke eng mme morago a kgone go fetola maitsholo ao gore wena le ngwana le tlhaloganyane botoka.

Mathabathe a re go botlhokwa tota gore batsadi ba batle thuso ka bonako fa ba lemoga gore go na le sengwe se se sa siamang ka bana ba bona.

Fa ngwana a ka tlhatlhabiwa go sa le gale mme ga fitlhelwa gore o na le bolwetse jwa othisime, kgonagalo ya gore ba mo thuse gore a itharabologelwe e kwa godimo. Palo e le kana ka 3% ya bana bao go tlhatlhabilwe ngore ba na le bolwetse jwa othisime ba ba leng magareng ga dingwaga di le pedi le di le nne ba ka itharabologelwa. Mo nakong eo ngwana a tshwarang

dingwaga di le supa kgotsa di le 11 go ka nna le pharologano e kgolo, moo ngwana a ka kgonang go tshela botshelo jwa gagwe fela jaaka ba bangwe."

Batsadi ba ka isa bana ba bona kwa kae go bona kalafi?

Mathabathe a re go le gantsi bolwetse jwa othisime ga bo alafege ka botlalo mme fela bo ka okobadiwa. O tlaleditse ka gore barutabana ba na le karolo e e botlhokwa eo ba ka e tshamekang mo go tlhaaleng matsapa a bana mo dikolong mme ba eletse batsadi gore ba isiwe maokelong go bona dingaka tsa tlhologanyo.

■

Go bona tshedimosetso ka botlalo mmogo le dikgakololo ka bolwetse jwa othisime, batsadi ba ka ikgolaganya le Autism South Africa mo go 011 484 9909.

info@autismsouthafrica.org.za

Mošwa yo e leng motsadi o goga kwa pele letsholo la go bula batho matlho ka ga bolwetse jwa othisime

Galoome Shopane

Letlhodilwe Moroe go tswa kwa Bloemfontein kwa Foreisetata o bula batho matlho ka ga bolwetse jwa othisime mo setšhabeng sa gaabo.

Jaaka mme wa ngwana wa mosimanyana wa dingwaga di le 11 yo o nang le bolwetse jwa othisime, o tlhomile mokgatlho o o sa direng letseno, o o bediwang Tokologo Place of Hope, o o bulang batho matlho, o o tlamelang batho ka tshedimosetso le go tshegetsatsa batsadi ba ba nang le bana ba ba nang le bolwetse jwa othisime.

Moroe o dumela gore batsadi ba ba nang le bana ba ba nang le bolwetse jwa othisime ga ba na kitso go le kalo ka bolwetse jwa othisime, bogolosegolo mo bao ba nnang kwa makeišeneng le kwa metseselegaeng.

Othisime ke bolwetse jo bo kgoreletsang kgolo mme bo dira gore motho a retelelwe ke go bua ka tshwanelo, go tsalana le batho ba bangwe le go dirisa puo ka tshwanelo.



■ Letlhodilwe Moroe o na le mosimanyana wa gagwe Sihle yo a tshwerweng ke bolwetse jwa othisime.

Ka mokgatlho wa gagwe Moroe o thusa magae ao a etele-tsweng pele ke bana le malapa ao a nang le bana ba ba nang le bolwetse jwa othisime go amogela melemo, kalafi le madi a thuso ya kgodiso ya bana ba ba nang le bogolofadi.

"Othisime ke bolwetse jo bo bokete mme bo tseela batsadi ba ba amegang matla a le mantsi e le tota. Fa motsadi a setse a amogetse gore ngwana

wa gagwe o na le bolwetse jwa othisime, ngwana wa gagwe o nolofalelwa ke botshelo."

Moroe o rile fa a sena go itse gore mosimanyana wa gagwe o na le bolwetse jwa othisime, botshelo jwa gagwe bo ne jwa fetoga gotlhelele.

"Botshelo jwa me jotlhe bo ne jwa fetoga, ke ne ke palelwa ke go ka ya tirong, dikolo le kalafi ya mosimanyana wa me di ne di le boturu."

Mo go le leng go batlela mosimanyana wa gagwe botshelo jo bo botoka, Moroe o ne a fudugela kwa Gauteng go bona dikolo tse di rutang bana ba ba nang le bolwetse jwa othisime gonne kwa Foreisetata ga di teng.

"Mo Foreisetata dikolo tsa bana ba ba tshelang ka bogole di teng, mme fela di tsaya bana ba le robedi fela mo phaposing e le nngwe mme mo godimo ga foo, lenaneoikwadiso la bona la tetelo ya sebaka le setse le tletse e bile le a tshologa."

Le fa a ntse a tobane le dikgwetlho tse di leng fa pele ga gagwe, Moroe o santse a eme ka le le reng go nna le ngwana yo a nang le bolwetse jwa othisime ke letlhogonolo le le seng kana ka sepe.

"Bolwetse jwa mosimanyana wa me bo mphile maatla le go nthuta go nna le pelo e telele. O na le neo e e seng kana ka sepe gape o na le lerato la didirisiwa tsa thekenoloji. O botlhale tota fa go tla mo dilwaneng tsa thekenoloji."

Ke dilwana di le di nnye tseo

Moroe a di itumelelang fa a di bona mo mosimanyaneng wa gagwe.

Mosimanyana wa me o mo seemong se se itumedisang le se se namatshang jaanong, gone jaanong jaana o ithuta go bua, o setse a katisitswe go ithusa go ikisa ntlwanaboithusetsong mme gape ke kgona le go mo beola moriri a ntse a tsogile."

"Fa motsadi a setse a amogetse gore ngwana wa gagwe o na le bolwetse jwa othisime, ngwana wa gagwe o nolofalelwa ke botshelo."

Moroe o lakatsa go bula tikwatikwe ya balwetse ba othisime kwa Foreisetata ka le lengwe la matsatsi. ■